

秀山志卷之十六

賦集

昭明釣臺賦

林榮

琅山之側匯水之湄泛扁舟而容與喜勝境之逶迤曲
渚則淥波澹蕩長堤則碧樹紛披崖燦金燈夜光焜耀
潭開玉鏡霽色迷離溯釣臺于帝子爰瞻仰而心怡爾
其淡情軒冕絕意華纓爰辭帝闕命駕長征繫懷秋浦
乃駐行旌綠字丹文閒中手訂晚風夜月物外論評擁
兩屐之烟嵐秀峯合沓燦一天之星斗選閣高撐鶴駕

秀山志

卷之十六

賦集

一

迴時雪嶺之曉雲漠漠龍舟艤處桃陂之夜雨盈盈垂
一竿于碧水控十丈之長鯨欣瞻遺跡用寄深情懿夫
林巒繚繞邱壑迴環樵唱則爭喧葦岬山家則半掩松
闕指高臺之碑斫爰一水之潺湲宛分少海之流瀠洄
山麓似耀前星之彩閃爍波間縈迴幾縷垂楊渾訝綸
懸水面掩映一鉤新月猶疑餌落銀灣憶漁艇歸時苔
徑陰迷啼鳥跡想釣筒收處烟波倒映夕陽山乃當麗
景喧妍春光邈迤香逗汀蘭青披岸芷睡閒鷗之箇箇
極浦烟迷飛宿鷺之雙雙澄潭波起愛茲勝蹟舟來碧

水灘頭大有吟情人在綠楊陰裡桃花浪暖頻添三尺
之潮棟子風輕爭泛一篙之水撫韶光之明媚悵念前
徽望石磴之輪囷興懷彼美若乃玉宇初澄金鷗乍至
涵落花稀梧桐葉墜覩流沔以舒懷登崇臺而適志一
番釣罷四圍露白葭蒼幾度歸來滿眼松青竹翠悵鼎
湖之龍去誰施紫貝之鈞坐盤石以苔深莫覓黃金之
餌撫蒼茫于秋水只聞牧唱漁謳歌宛在于前賢不覺
神移情寄爰有並轡遊人抽帆逸客酒注一尊琴橫三
尺飛羽觴而共醉臺畔峯青拍銅斗以高吟臺間月白

秀山志

卷之十六

賦集

二

訪當年之故址依然銀榜青宮摩此日之芳踪愛拂苔
蒼蘚碧如入桐江之瀨景慕高風恍來渭水之濱溯洄
往蹟爰俯仰以低徊用撫今而追昔彼夫永福省中斜
陽歷亂華林園內衰草連綿感風雨于臺城目擊墻垣
之毀吊鶯花於白下羣鷺宮殿之頽孰若斯臺之轉環
日月迴合雲烟冥兀于秀山峰外蜿蜒于秋浦湖邊披
襟臨面面之清風人爭坐釣匝樹唳溶乚之皓月鶴亦
忘年也哉乃為之歌曰晚鴉噪兮樹影斜危磴橫兮淡
霧遮悵儲君兮已逝溯舊址兮情賒吾將駕一葉之輕

舫兮訂幽契于烟霞

玉鏡潭賦

胡正學

覽池陽之勝境偉秋浦之遺墟山川窈窕丘壑崎嶇烟渚雲汀亘長堤而繚繞漁莊蟹舍分曲逕以蕭疎維茲潭之可愛覺明鏡之不如漾清流而若駛滙幽澗以爲渠一碧無痕皎潔與菱花並燦纖塵不染澄泓似金鑑初舒爾其接滙水之流倚卽山之足偈僧眼以舒青肖鴨頭而泛綠感起銀濤片片時鼓微風翻來雪浪層層初含朝旭沙明水淨覺形影之堪分嵐散烟收宛鬚眉

秀山志

卷之十六

賦集

三

之可燭映晴霞之縷々閃爍如金看霽色之離々空明似玉乃當節馭東皇日臨青道麗景初妍風光正好岸芷離披汀蘭縈繚影含一片黏來柳絮痕添色暈三分漾去梨花跡少波澄碧練四山紅映春葩盤是白銀兩岸綠圍芳草見淑景之常涵快浮埃之盡掃漁翁鼓棹羣鷺身入冰壺遊宦驅車競訝路分瑤島迄夫炎光乍啟暖日初長雲凝松塢烟靄蓮塘紅蓼灘頭老翁坐釣綠楊陰裡牧子招涼白鷺頻飛而出沒沙鷗接翅以翱翔借水面之餘輝螢燈萬點煥波心之素彩漁火千航

碧暈潛舒見雲峯之倒影玷痕盡滅覩銀渚之分光至
若白帝乘權清商紀令玉宇風高金莖露淨碧梧飄零
蒼葭掩映浸秋陽于晝午羲馭留光沉皓魄於更深嫦
娥臨鏡山雞對舞倚石磴而自整毛衣溪女浣紗傍石
磯而欲施妝靚印去行々錦字雲中之紫鴈初飛照來
歷々榆光天上之明星可竟泊乎重陰深沍結凍寒空
長流斷渡絕壑驚風夜雪飄時淡蕩之寒光皓潔野梅
照處橫斜之疎影玲瓏幾疑鏡面新磨隔岸冰花炫彩
乍覺潭心淡抹沿溪曙色初籠懷珠而似欲環藏光騰

秀山志

卷之十六 賦集

四

龍窟拖蓋而如經拂拭影動魚喁此因時之佳致覺瞻
眺之無窮爰有梁代偉人蕭家帝子謝跡簪纓怡情山
水向秋浦以盤桓傍石臺而徙倚曉風夜月曾寄雅意
於長竿布襪青鞋嘗托豪情于中沚烟霞勝處似看鶴
駕迴旋風雨停時猶憶龍舟邈迤恍前星于昭灼芒燦
中央儼少海之滌泗波澄徹底詎遺跡之終湮覺空潭
之猶美是以名賢駐足騷客停旌溯青儲之遺址深憑
弔之幽情對群峰之叠々羨一水之盈々文選樓頭遙
指晴光璀璨釣臺石畔爭瞻秀色晶瑩挹來滾々盈眸

影射金燈之采望去層々悦目晴分雪嶺之明由是艤
舟容與結侶招呼琴橫綠綺酒注瓊酥婉清音于絲竹
資覽眺于邱隅擬金炯之開奩瑩々適肖此紫珍之出
匣皎々無殊樓臺寫影于波中彷彿繪蓬瀛之景林岫
涵輝于澗底依稀開水墨之圖又何事遠凌圓嶠高跨
方壺以艷心于豪遊之汗漫而溯洄乎天漢之縈紆

文選樓賦

王元梅

維結繩之肇字啟河洛於文明分玉泥與金簡闡苞符
之菁英藏萬卷于秘閣擁鄴侯之書城紛牙籤兮影疊

秀山志

卷之十六

賦集

五

燦玉軸兮光縈莫不醞釀乎淪鳳脯麟之味振響乎金
鐘大鏞之教自天地之聚靈貽蕭梁之典籍騰少海兮
洋洋煥前星兮奕々寄道脉于千秋破胚渾于一畫闢
經笥與墨莊傾群言之瀝液披二酉之藏書盈縹緗而
煩賸曾過目以成誦乃勤心於卷帙等富貴于浮雲以
嗜書而成癖于是愛秋浦之幽靜駐金根以相狎鳴幽
鳥於山谷照朱華于銀塘霽林樾之清蔭襲蘭蕙之餘
芳進嘉魚以入饌膾鱸鱗而生香指石城其在望無眷
言乎衡湘聚六朝之韻紀乃熠燿而有光爾乃啟朱戶

兮焜燿披繡闥兮逍遙擅燕許之手筆兼衆體以相調
奮禁巒于鼎俎集腋彘于豐貂非有心于獺祭自集錦
於龍綃倒詞源之三峡亘銀漢而長昭藏名山以不朽
樹巍樓于青霄夫其開四照以玲瓏面層巒之噴崩排
翠靄以凌空拔林陰而秀特寄嘯傲于軒楹抒風騷于
胸臆集藝苑之詞臣博西園之翰墨山疊翠以千尋水
涵秋而一色羨美景之畢收更何心于故國是以迴既
倒之文瀾匯朝宗之學海操巨斧以伐柯萃良材其就
采摘離騷之繁葩黜蘭亭而何駭吹子晉之笙簧溯風

秀山志

卷之十六

賦集

六

流其尚在擅賦手于陳思亦綴花而炫彩何如綜漢魏
之遺編執蓋扶輪而標名于千載是蓋本至性之純孝
漱六藝以靈承納宋謝之風月羌泉湧而波騰收屈班
之香艷更霞蔚而雲蒸坐岑樓以披攬依紺宇以憑陵
澈雙珠兮彩耀懸漆鑑兮心澄登斯樓也攬青宮之芳
徽溯高齋之遺韻照玉鏡以涵空暗金燈而生暈分一
水于琅崖指釣臺其最近撫玉帙以摩挲拂長袖而思
奮信茲樓之可憑開千年之文運而豈播韻于廣陵之
城沿訛於襄陽之郡也哉